



391979  
391988

Mag. St. Dr.

III





2529 m.s.d.

~~F~~


44

. 195.




1043











# TRABEATA

POGONIAE VESTIGIA

Sub Palatinae Dignitatis ingressum  
in Honorum Appia

391986

Per

CELSISSIMUM PRINCIPEM  
AUGUSTUM ALEXANDRUM

DUCEM in KLEWAN

CZARTORYSKI

GENERALEM TERRARUM RUSSIAE

PALATINUM

*Kaïusiensem, Koscierzynensem, Luci-  
ensensem, Latovicensem, Lubochen-  
scensem, Zeydecanensem &c. &c.*

CAPITANEUM.

Ad perenne Gloriae monumentum  
Secuturaeq; posteritatis memoriam

IMPRESSA.

&

A Prosequente votis plausibûsq; fortunatos gressus  
SIENIAVIANO Collegio Leopoliensi Soc: JESU

ADORATA.

Anno ab ingressu terras Numine 1732.

72024





Sterne solum Tyrio non deses Russia cultu,  
Et cunctis jaceat Gloria rubra viis.  
Calcandus Trabeata decet Vestigia murex:  
Sic, decet, ut PRINCEPS progrediatur Honor.





CELSISSIME  
PRINCEPS  
*ILLUSTRISSE PALATINE*



**S**i Nominis, meritorumq; Tu-  
orum amplitudini par adfe-  
rendum foret encomium, fa-  
tisceret svada; tam grandia  
sunt, quæ de Te dici pos-  
sunt! arctarentur vastissimi li-  
cèt periodorum ambitus;  
tam ampla! quibûs Polonum, imò universum

A

im-



implet orbem. Quis unquam profundus sensus Celsissimæ Originis Tuæ comprehendet altum? quæ folia purpureos fluctus, totoq; æquore in commune bonum desudantis frontis procellas suis excipient marginibûs? Mirari nobis hodie, non imitari licet Myrmecidis artem; Solis ille quadrigas sub tenui muscæ ala publicæ exposuit luci: nos Avitum POGONIAM Tuum oratoriis ne adumbrare quidem valemus pennis. Subsistimus in limine, hæremus in primo vestigio, dum immortalis gloriæ cursum, quo paucissimos æquasti, quia superasti quàm plurimos, meditamur adoriri. Tanta enim, ubi non tam honoris Tui, quàm felicitatis nostræ adis metam, dicendorum occurrit copia, ut facilius sit, superbæ temeritatis incurrere notam, quàm singula laudatore prosequi stylo. Procedis fortunato passu, quò Te nobis magis, quàm Tibi propitii Superùm favores, quò Natalium non vulgariumq; talentorum suffragia, quò communia Populorum invitant vota. quantus hinc meritorum! quantus honorum! quantus Principum Familiarum comitatus! Eodem Tecum universa ferme Lechia incedit pede, quasi integra Majestatis Polonæ moles Tuis nitetur plantis, Tuo ad culmen felicitatis properaret gressu. Et certè, dum inter Leoburgicos



cos montes, Palatinæ Dignitatis conscendis apicem, in altum eluctatur, quidquid in Regno nostro meritis ingens, honoribus sublime, Origine censetur summum. Nulla utiq; Generis eminet altitudo, quæ Celsissimæ Domus Tuæ non gloriatur attolli affinitate. Nullus in Purpura rubet sanguis, qui erubescat vestras in venas influxisse. Nulla titulorum apparet claritas, quæ Illustres Vobis non accendat Ceras, vestroq; non augeatur fulgore. Felices nos! quibus, dum huic exoreris Trioni Sidus Optatissimum, tot tantaq; affulgent lumina, ne aut obscuri Oratores, aut rerum ignari cæco in Tua encomia ferri videamur impetu. Non itaq; præclaræ monumenta Antiquitatis improbo lustrabimus labore; non voluminum die nocteq; scrutabimur umbras, publico sole digna investigaturi facinora. Illis id officii relinquimus, quibus major laudandi necessitas, quàm laudandorum adest copia. Lucet Orbi, liquetque, quidquid ad declarandum Celsissimi Illustrissimiq; Nominis confert splendorem. Utinam autem tantum Orationis resplendeat lumen, quantô Polonum illustrastis Cælum! Utinam folia hæc tot Hortensiorum proferant rosas, quot Purpurarum vernastis floribus! utinam tam profundi sensus Tuis sese adsternant plantis, quàm altè in Republica Celsissimi semper



per eminuiſtis Principes. Verùm votò ſuò  
major eſt eventus. Nunquam tam proſperè  
periodorum ſeſe volvent ambitus, ùt fortunæ  
Vestræ evexiſtis orbitam. Nunquam ex ſuc-  
ceſſu Oratorii procedent impetus, quò longo  
temporum decurſu Avitus Eques veſter Ho-  
noris trivit Appiam. Sequemur nihilominus,  
licèt inferiore grefſu Trabeata POGONIÆ  
Veſtigia, magis adoratores Tui, quàm Orato-  
res; & ubi cadet ſtylus, cadet in Tuæ reverenti-  
am Dignitatis.

Nemo inficias ibit, arduum cuiq; per ſum-  
ma evenire iter; difficileſq; qui culmina tran-  
ſcendunt, calles. Inoffenſo plerumq; pede  
pervia decurritur planities, humiles ſuperantur  
ſemitæ; at Carpatos, Appenninosq; vix unquam  
ſecuro tetigeris grefſu, eò caſui propior, quò  
longiùs receſſiſti ab imo. Quanto conſtitit  
Phaëtonti, luminum Principis iniiſſe vias? Non  
guttâ aut tenui lacrymarum fonte, verùm pro-  
fuſiſſimo in luctus æquore audaciam deſlet I-  
carus, quòd Appiam Reginæ volucrum aquilæ  
ſuperbo tentare præſumpſerit volatu. Ingen-  
tia, fataliq; terminanda exitu adeunt pericula  
exiguæ celoces, vada, illa prætervehi auſæ, quæ  
laureato ſub velo grandes nonniſi onerariæ de-  
currunt.

Quid ego hîc diffitear? ſublime tentamus,  
iter



iter, quia vestrum, quo perinde, atque Astrorum  
Principes, ab ipso ortu ad Illustrissimum pro-  
ceditis meridiem. Dejicit quidem animos,  
cellitudinis formidine, arduus ille, semperq;  
per summa properantis POGONIÆ tractus;  
nondum tamen prosternit spem faustî aditûs,  
dum tot meritîs, & honoribûs tritissimus, viam  
aperit planè Regiam. Ne verò ipsi nos lul-  
tro in Labyrinthum induamus, Cretam, Le-  
mnumq; id est extera pervagari regna omitti-  
mus, dum CZARTORYSCIANÆ Domus pri-  
ma, sed Augusta statim limina subire quærit  
Panegyris. Alienos non lustramus soles, ut  
ad purpuream præclarissimi Nominis deveni-  
amus Auroram, bene conscii, non erubescere  
Ortus vestros, quòd in cælo Poloniæ ad diem  
lucidissimum emerferint. Congenita videlicet  
Vobis cum summæ magnitudinis sideribus in-  
dole, ex longinquo splendorem deducere, tan-  
tùm non improbum censetis, proprio conten-  
tissimi Phæbo. Proinde non adoramus Ori-  
entem, radium emendicaturi, quo serenum  
Celsissimæ Prosapia Vestra accendamus mane.  
Phosphorum in Regni Nostri habetis Zodia-  
co, unde primam, id est nemini secundam  
accepistis lucem. Non evolamus ad Imperi-  
ales Aquilas, ut Principem diligenti solertia  
conquiramus Nidum. Non in Alpes sideribus

B

vici-



vicinas eluctamur, à fœcunda Regnorum Re-  
gumq; Parente, quasi à cœlo, altitudinem Ge-  
neris deducturi. Non per Galliæ spatium lu-  
bet lilieta: in Domestico pulcherrimè efflo-  
ruistis viridario, primo statim vere Purpura-  
rum Flores ornatissimi. Novimus equi-  
dem, aurea Europeo Imperantium Orbi po-  
ma ad consanguinitatis Vestræ Arborem na-  
tivo referri jure; ejusq; ramos cum Regnanti-  
um sceptris, cum fascibus palmites eadem  
progenitos stirpe. Cæterum tamen non re-  
censemus incrementa, quæ à remotiori desu-  
munt Dodona; altissimam in nativo solo con-  
sideramus radicem. Ab illis scilicet Principum  
Paludamentorum velleribus, vitæ, honorisq;  
Vestri deducimus filum, quæ istam gloriosis-  
simè exornârunt Patriam. Illi extero gaude-  
ant sole, quibus Domi non adeò illustris Lu-  
cina contigit. Peregrinos colat, qui Penatibus  
caret Diis.

Dux  
Olgerdus  
Czartory-  
scianæ Do-  
mus pri-  
mum Ca-  
put & Ori-  
gō.

Jam itaq; trabeata POGONIÆ secuti ve-  
stigia, imus proni per eos passus, quibûs ab  
alto, quia à Magnorum Lithvaniæ Ducum de-  
scenditis Celsitudine. OLGARDUM GEDY-  
MINI Principis Filium, vel eo ipso Patrem Pa-  
triæ, quia CZARTORYSCIANÆ Genito-  
rem Prosapiæ demisso adoramus stylo: quan-  
quam sublimis dici meruit tanti Principis alla-  
psus



pfus plantis. Ilte est initialis gloriæ vestræ  
apex: istud primum, sed grande honoris pun-  
ctum. Non de exiguis Majestas hæc, quæ  
Polonum implet, Cœloq; infert Orbem, cre-  
vit atomis; etiam initium illius præcella attol-  
lunt culmina. Quid tumente Nilus exundat  
procella superbos altæ Originis volvens flu-  
ctus? longè augustiore profluxistis vena, im-  
mensò nempe Purpurei sanguinis Oceanò.  
Ducalēs in primo Vestro Gentis Capite tuli-  
stis Mitras, pridem Regio dignissimi coronari  
diademate. Uno supra quindena lustra, id est  
ab Anno orti Justitiæ Solis Millesimo trecen-  
tesimo trigesimo, ad usq; millesimum trecen-  
tesimum octogesimum primum, in Principe  
cum illo fulsistis Solio, dextrâ sceptrum, No-  
bilissimam Gentem, quâ imperiis, quâ confi-  
liò, quâ forti gubernando manu. Intraistis e-  
odem Duce in Sarmatiæ Regiam, cum gloriæ  
Regumq; feracissimo JAGELLONUM col-  
ligati manipulo. Quanti hîc fasces! quantæ  
Vobis honoris debentur adoreæ! An non ju-  
sto titulo Ducibus de Czartoreysko Serenissi-  
mi deferendi essent tituli, quos Poloni Pan-  
noniq; Cœli Sol VLADISLAUS, Fratres su-  
os, vivis hucusque literis, nec morituro un-  
quam fatetur diplomate? quasi nondum ple-  
na luce effulgeret sua Serenitas, quamdiu hi  
sibi



Dux  
Korygello  
ſo Olger-  
di Filius.

fibi deessent radii. Ita cum OLGERDO in  
lucem prodiistis; verum non minorem quoq;  
ejus accepistis augem in KORYGELLO, ut  
bonorum, sic gloriæ Paternæq; virtutis hære-  
de. Literariam scriptorum de ejus nomine  
dirimimus litem, illis subscribentes, quibus  
statutum est, CONSTANTINUM dicere.  
Vix enim Christianæ auctoramentum iniiit  
militiæ, sub triumphali Crucis labaro, heroi-  
cam tot victoriis, quot præliis auctam circum-  
tulit famam. In hoc signo juratos illi crede-  
res triumphos, cui hostiles, quodam quasi am-  
bitu, occurrere videbantur acies, ut gloriosè,  
quia Magni Æneæ dexterâ, gladiôque oc-  
cumberent. Quoties cum Avita Ducatus sui  
Czerniechoviensis Aquila Militares explicuit  
alas, toties hostem ultimo involvit discrimi-  
ni. Non Czerniechoviæ, Siberiæq; tantum-  
modo, verum exercituum quoq; agens Du-  
cem, ostendit, non magis se Mitræ, quàm ga-  
leæ, paludamento quàm ferreo insuevisse tho-  
raci. Numerosis Crucigerorum Copiis Li-  
tvaniæ infestantibus limites, licet exigua Mili-  
tum manu, ingenti tamen pectoris se se op-  
posuit audacia, ratus, ad suam gloriam perti-  
nere, virtutis pugnam, non numeri. Et sanè  
didicerunt adversæ phalanges magistra clade,  
plus ad victoriam valuisse Ducalis animi ma-  
gnitu-



gnitudinem, quàm olim centum Briarei manus ad stragem Jovis. At quæ ista fatorum invidia? ne major hominibùs videretur, inter homines esse desiit. Martiali generosè investus campo, post fortissimos in hostem insultus, è vita discessit: vivere tamen non destitit, quia superstitem in heroica Prole reliquit spiritum. Quem verò spiritum? ferrî utiq; avium, mortisq; animaturæ Patriam. Sensit paternos animos CHLEB Filius, idemq; Dux de Czartoreysko: hinc in Martem pronus id agitabat votis, ut, quemadmodum vultu Patrem, sic vitæ, fatiq; genere Herodém exprimeret. Ergo cùm iterum Litvanis visceribus bellum ad Vilnam infudissent Crucigeri, velut scopulum sese opposuit tempestati ferreæ; medios in hostes arma intulit; daturusq; argumentum, quòd mortem pro salute publica amaret, adversum in pectus admisit vulnus; cecidit, suaq; strage terram protexit patriam. Orbem præterea edocuit, jam tum CZARTORYSCIOS illam prætulisse indolem, quæ felicitati Heroicæ apponeret, seu dare vulnera, seu accipere; utrumq; è dignitate sibi esse, tam sui purpurâ sanguinis rubere, quàm hosticâ. Jaces, jaces funus ingens, Heros magnanime! & eadem, quæ militiæ tuæ torus fuerat, arena, nunc etiam vitæ lectus est, lassæ magis

Chleb  
Princeps  
CZARTORY-  
SKI, Ko-  
rygielli  
Filius,

C per



Alexan-  
der Dux  
Czartory-  
ski 2dus  
Koryciel-  
li Filius.

per victorias, quàm prostratæ fatîs. Hostili-  
um cadaverum acervo incubas; isti sunt He-  
roum pulvilli procumbentium: laureis tegeris;  
talibus stragulis quâ surrecturos somnos com-  
mendant CZARTORYSCII, quâ perenniter  
jacentes. Ut ût autem occubueris; nondum  
mihi suprema tua persuades, quia Fratrem re-  
linquis ALEXANDRUM, eodem tecum Pa-  
rente gloriosius natum, quàm si illum Philip-  
pus genuisset. O Virum, Magno illi, usq; ad  
nomen, non cessurum! Alterum Macedonia,  
alterum Polonia, ingenti licet sinu, cum non  
caperet, Orbem sibi alium quæsit, non o-  
tiosus soli exteri spectator, sed spectandus in  
belli pulvere, in armorum usu laureato. Hun-  
gariam, VLADISLAI Poloniæ, Pannoniæq;  
Regis Dominatum ferri Turcici rabies inva-  
ferat. Signa rapuit Princeps; sed pæne pri-  
usquam intulit, Aquilas prævolavit Fraternas  
ALEXANDER; bellum absolvit ea celeritate,  
quâ satis erat venisse armatum, vidisse hostem,  
vicisse Thraciam. Quæ funera manus una e-  
didit! terram oppresserunt Hungaricam, sed  
grato pondere: quam avara spe devorave-  
rant, mordebant adhuc humum, sed inani  
dente, & casto vulneris morfu. Copiarum  
cæteras victori gladio subduxit fuga eò levi-  
or, quòd jam supercilium fastu grave ad He-  
rois



rois pedes projecisset. Triumphæ ALEXAN-  
DER Invictissime! debellatum est. Agno-  
scit victorem, seq; in arcum tibi sinuat Luna  
Turciæ; in triumphalem abit Porta Othoma-  
nica. Invehere Capitolio! fortitudinis præ-  
mium, pompam Victoriæ, Ducalem POGO-  
NIA, tibi submittit VLADISLAUS, ne suus  
ALEXANDRO Bucefalus deesset: imò Te  
ipsum equo impositum, quòd nihil posset in-  
signius, Virtuti tuæ desert. Exinde novi  
Stemmatis Dignitas, & recens titulus in  
CZARTORYSCIOS discessit; non tamen E-  
quites Nobilissimos fecit, sed monstravit. Quæ  
ista Gentis Gloria? totum hoc in Avitis Insi-  
gnibus censere, unaq; complecti Domo, quod  
Ducatus est integer, quod Patria Hectorum  
Litvania; eadem esse utriusq; Symbola; partes  
ambas, quàm non difficilè Ceris imprimunt,  
tam facilè animò, & campò, non levis militiæ  
genium, sed robur cataphractum, sed acerr-  
imum ense Heròem exprimere. Amat Pares  
suos Gens strenuissima, gaudetq;, sua per  
CZARTORYSCIOS Decora non inferiùs cir-  
cumferri, imò provehi ad summa; celsissimè  
declamari hìc tubâ Martiâ, ibi Equestris li-  
tuò facundiæ.

Et quod in nomen, Gentem Litavam, su-  
amq; non protulit, loquentis Libertatis so-



Joannes  
Dux  
CZARTORYSKI  
4<sup>us</sup> Korycielli  
Filius.

nus aureus, vox pretiosa, Princeps JOANNES CZARTORYSKI? suadam illius ne centum ora famæ æquaverint. Ut Cæsarem suum nonnisi manus scribere potuit; ita dicendus esset ore proprio, Nestor hic Poloniarum disertissimus. Nihil ille in confertæ Nobilitatis Comitio loqui ad gratiam, eâ contentus, quæ sibi nomen fecerat: nihil ad suâ pretia dissilire, quodq; ad aurem civilissimam, quasi monile penderet, pulchrum magis, quàm bonum: omnia è re boni publici disputare, argumentari, concludere. Quo factum, ut citra Gallici catenam Herculis, nullos non traxerit in sententiam; pugnantes etiam in adversum, victosque robore rationum, sensui suo, veluti triumpho lauream addiderit. Vincabant Fratres in hostico? ille domi decertabat, ne quid liceret fati pejùs consulentibus integritati patriæ: & arbitria sua, vires erant, armaq;, deliberatoria in acie felicissima, tantaq;, ut illis cedere sensus cæteros, intra gloriam staret, nec puderet quenquam, trophæum fieri victoris consilii. Eadem dicendi potentia, suadendiq; in publicum, facilè parem JOANNI fecerat MICHAELEM, Principem CZARTORYSCIUM, nisi agere fortia, quàm loqui voluisset. Ille quidem Soboles KORYGIELLI extrema; laus Patris non ultima, Martisq;

Michael  
Dux Czartoryski  
4<sup>us</sup> Korycielli  
Filius.



tisq; Dixerim Scipionem, id est bellorum  
in nube timendum fulmen. Fabium nuncu-  
paverim, non tamen Cunctatorem: quia pe-  
riculum in mora, non gloriam virtutis magna-  
nimæ positam persuasus, alacritate inchoabat  
labores martios, continuabat successu, termi-  
nabat plausu. Contigerat, Othomanica pres-  
sos obsidione Caffenses, in Lechiam suppli-  
ces confugisse; à Polona Aquila robur fulmi-  
neum; ab Equite CZARTORYSCIANO ul-  
torem gladium postulasse. Pæne insimul plo-  
rantia vota audivit, cecinitq; virtuti suæ clas-  
sicum MICHAEL: latus ensi, itineri copias  
accinxit, non ultra quingentam manum ma-  
jores. Plures fortassis desiderares viros, non  
Heròes; pectore excesserant numerum; Duce  
CZARTORYSCIO exercitum conflârunt. U-  
tinam animus ille, impetusq; pugnâset! sed  
fata invida, pro belli pulvere, arenam in via  
objecerant feralem. Sic laurus jam jam in  
frontem Heroicam evirescens exaruit. Florem  
tamen vividum, antequam præriperetur morte,  
promeruit Familiæ, reliquitq; perennem titu-  
lum DUCUM in KLEWAN. Hoc illum, ut-  
cunq; ingentium Nominum plenum, Poste-  
rosq;, auxit decore SWIDRIGIELLO, Prin-  
cipatu Litvaniæ Magnus; major, quòd Mitræ  
CZARTORYSCIANÆ, gemmam nominis ad-  
D jecerit,



Theodo-  
rus Dux  
Czarto-  
ryski Mi-  
chaelis  
Filius.

jecerit, meriti præmium Heroici, pretiumq̃.  
Quas tu hîc Doloris Celsissimi, per tanti Viri  
cladem læsas iras audires mors effera, nisi il-  
lum placarent munera? THEODORO debes,  
quia tibi mitiùs indignantur lacrymæ. Quan-  
tum ille Donum Superûm, & quàm magno  
publicæ rei bono planè cœlitus demissum!  
quàm Domui suæ, totiq̃; Lechiæ acceptissi-  
mum! Martis Sidus à polo datum credi pote-  
rat; adeò flammam spirabat bellicam; oculo-  
rum nictu igneo acies Scythicas perstringe-  
bat. Ausa est, Volhyniam, & Podoliam ar-  
mîs appetere Tartaria: & tamdiu sæva omnia  
licuerant furori barbaro, donec in THEO-  
DORUM, hoc est stragem suam incidisset.  
Dedit pænas ferro Heroico cæsa insolentia:  
plurima victore in campo procubuit; ne to-  
ta jaceret, equis debet fugacibus. Verùm ve-  
locior pedes POGONIA, quàm alatus timor,  
consecutus fugam, aggressus, mortes humô  
sparfit, vulnera ire permisit in Scythiam, cla-  
dis suæ nuncia. Eadem animi fortitudine, quâ  
Martium ensem, gladium tractabat Themidis  
Capitaneus Luceoriensis: illi Propontidis Hy-  
dra, huic scelera ponebant caput: altero vio-  
lata per hostem jura Poloniæ vindicabat; alte-  
ro Regni leges tuebatur, Nihil apud illum  
evicerant potentes injuriæ, præter vindicem  
sen-



sententiam: nihil partium studia, præter integritatem sanciti. Ita ex æquo causæ meritum expendebat, librabat rationum pondera: ut palàm fieret, lancem esse ad manum MICHAELI, nec ad prætextata negotia declivem, nec à causa paupere celsiùs avectam, & quasi fugientem in auras. Sed tam bonus rerum Arbitrator, iniquiùs egerat, nisi Patrem etiam optimū gerens, Filium ex se dedisset à magno Genere non degenerem. Et alibi quidem non rarum videas pomum à nobili arbore procul cadere, avulsūq; ramis sublimibûs volvi per terras humiliter. Videas, augustis etiam de palatiis, præcipuè quæ annosam ætatem duxerunt, rudes herbas erumpere, magnificarum ædium probrum. Verùm CZARTORYSCIANAM Stirpem perinde, ac Hesperidum arborem, quicunq; fructus gravat, aureus est: Flos est Purpureus, qui annosissima Domo sese sustulit. Pro nullo unquam Nepotum aut erubuit Princeps Sanguis, aut palluit; quomodo Erythræum amnem non hætenus aliqua verecundiùs suffudit proles gemmea. Dedit itaq; Patriæ THEODORUS ALEXANDRUM, statim de Alexander Dux Czartoryski Palatinus Voithyniæ Theodori Filius. teneris auguriò, exspectatione in progressu magnū, eventu tandem ingens Senatûs Nomen, castrorumq; Palatinam Voithyniæ Togam dum induit, ad Dignitatem protulit lacertis. Martis



tis verò sagum breve ita auxit victoriis, ut longissimè effusum, terram patriam à Scythica colluvie everrerit. Infecerat enim Poloniam irruptione sua furor Tauricus: hic fædam cædem campis sparsit; ibi cervicibus plurimis vincula, & turpém iniecit servitutem. Quis istud Hercules, tantum non Augiæ itabulum, à dedecore nostro repurgaret? Repurgavit Alcide major ALEXANDER. Quatuor, ultra viginti Tartarorum millia dum fudit, absterfit ignominiam terris Sarmaticis. Caput insuper Imbraimo Passæ deiecit è collo, jussitq; humum exterere, quam crudelis gressator fædaverat sæviendi libidine. Et quia sedebant adhuc jugulis Polonis, manibusq; nodi Taurici; hos quoq; ne Libertatem patriam deformarent, abolevit, dicendus jure Torquatus Sarmatiæ, quòd octogenis cervicum millibus catenas detraxerit serviles. Fallor; commutavit tantummodo vincula, non deripuit captivis Civibus: nam quæ modò ferebant collò, corde deinceps, æternùmq; obstrictâ memoriâ tulerunt. Uno itaq; triumpho & ALEXANDRUM se probavit, qui difficiliore Gordiò servitutis nodos solvit gladiò; & Xerxem se exhibuit, dum effusissimas victorum lacrymas, dixerimne? tristem Hellespontum ita catenavit, ut procellam posuerit



fuerit luctuosam. Possem hîc hostili sanguine fusiùs scribere laudes Heroicas, cæterasq; virtutes Palatinas: sed dum Tyrô major, Sidoneq; Murex affluit; cedat tabum. Regale in folium referri, sceptris pro calamo notari meruerunt: ponat minorem paginam, penamq;, Panegyris. Poloni Solii Dignitas Coronata, AUGUSTUS Primus exiguum habuit, Regali toties ore Virum perorasse, dixisseq; ad aures tamæ; nisi & oculis in laudes Palatinas intentissimis prospexisset. Hinc ne volarent, fugerentq; posteram memoriam; defixit verba in chirographis; ne non frugis optimæ Civem laudasse videretur; exaravit in tabulis publicis sensus Regios. Affulget Lux Serenissima: legite pupillæ, *ab ineunte ætate, ad hoc usq; tempus, per omnes Honorum gradus, ita se eum (ALEXANDRUM videlicet) gessisse, ut maximam ingenii, prudentiæ, fortitudinis, probitatisq; ac fidei constantis meruerit laudem.* O decorum ingentium in parvo dicendi ambitu vastū orbē! ô! ampla cōpendia, magnas periodos, summam numeris omnibûs absolutissimam! Quot apices, totidem sunt altæ laudis fastigia; totidemq; fasti Honoris, quot literæ. Placuerit sibi ultra modum Macedo, quòd illum, ita volente edicto, ibi Apelles in ceris pingeret, hîc ex ære duceret Lysippus,

E

ambo



ambo artis suæ Principes. Vile decus Magni!  
 tantumq; ALEXANDRI CZARTORYSKI  
 gloriæ decedens, quantum Majestas artificia;  
 penicillos, scalprimq; sceptrâ superant, Picta  
 illa, sculptaq; Macedonis simulacra, vix umbræ  
 sunt, & colores: vix rudes lineæ, si Regio  
 characteri, & Serenissimæ cælaturæ conferan-  
 tur. Basilica DUCEM nostrum carmina, ho-  
 norque æternus codicum Regalium, non ea  
 brevis, muta q; commendatio, uti decuit, ita  
 Posteritati transmisit legendum. Nihil ibi ad  
 laudem desideres: non Prudentiam, Ducalis Ca-  
 pitis Tiaram; non mentis infractæ, lacerto-  
 rumq; insigne robur; non pectus, virtutum  
 Aulam sacerrimam; non fidem animi nulla  
 unquam tempestate fluctuantem: omnia lau-  
 datore calamo, (quia studiosè amavit Principis  
 Viri decora,) amplexus REX comprehendit  
 strictim singula, & veluti in filum collegit  
 gemmas tam numerò multas, quàm mole ma-  
 gnas, & pretiò. Adhuc tamen videbatur si-  
 bi in elogia parcior, nisi & Sobolem non in-  
 ficiendam Parenti, MICHAELEM, ore cu-  
 mularet, manuq; laudum divite. Suspexerat  
 in illo vixdum prætextam egresso togata or-  
 namenta; in ætate nondum per annos matu-  
 ra, mores suspexerat, quasi jam ex ævo: perle-  
 gerat in vultu, qui scribentis sese animi pagi-  
 na

Michaël  
 Dux Czartoryski  
 Alexandri  
 Filius, Capitanus  
 Zytomienſis.



na est, purpuream gravitatem ante purpuram, dotesq; selectissimas, non tam ordientes Senatorem, quàm consummantes: nec potuit, suū aliàs potentissimus PRINCEPS, Regales sensus continere, quin proferret in publicum, chartisq; trans famam vocalioribus mandaret, ut MICHAELIS, quantumcunq; suā se tubā gloriosè canentis, *Præclaram Indolem* seculis loquerentur. Quantum hoc! Nulla non siderum lucidissima, ad solis jubar obscurantur, amittuntq; radium: quo tamen à fato tam longè abfuit MICHAEL, quàm certum est, *Præclaram* ejus Indolem, Phæbi Poloniarum Serenissimi ore, dieque inclaruisse splendidiùs, & in omnem Poloniam effulxisse. Ista est CELSISSIMÆ Stirpis Vestræ gloria, CZARTORYSCII; & Reges habuisse Oratores, & meruisse. Ad omnes enim dictum pertinet, quod uni tribuitur, alteriq;: quia totum coronat puteum, qui partem ejus hausit. Ornavit Vos REX encomiis; quid speciosiùs ad decus? celebravit Throni Oraculum; quid certius ad fidem? Soliò eminens AUGUSTUS Primus extulit; quid ad Celsitudinis vestræ paritatem sublimius.

Conticescendum hìc esset tantillo calamo, post tantum; non obstrependum olori ab anserē: sed vocem Oratori afflat DUX JOAN-  
E2 NES



Joannes  
Dux Czartoryski  
2dus Theodori  
Filius.

NES; verba subjicit, nunquam satis laudatum facinus; & suadæ ad meritum paris desperatione mutas literas, vocales istas, istas Gloriæ suæ consonantes, omnes facit disertissimas. Gemmas loquere Eloquentia: ita Unio geminas inter Gentes, Poloniam & Litvaniam, sudoris CZARTORYSCIANI partus æstimatissimus, dici postulat. Quibûs olim dissidiis uterq; Populus contenderet; certaret armis; mortibûs (ne aliquando exspirarent) bella aleret; nemo est, qui nesciat. Nunquam fulmen remisit Polona Aquila; nunquam vaginâ textit nudum acinacem POGONIA Litavus. O diem illum beatissimum, quô ferri diluvies ad ripam venit; posuit tempestas sanguinea, Neptuno planè Pacatore, JOANNE CZARTORYSKI! Generalibus ille in Comitibus, Nationum ambas complexis, eo rationum Achille pugnavit, ut certanti pro fœdere pars neutra resisteret, nec puderet vinci: eâ facundiæ gratiâ disseruit, ut vi blanda pomum discordiæ eripuerit Herculi gemino. Itum est ab odiis ad amorem; in unum Reipublicæ Corpus coaluerunt pectora, animiq; in unam venam confluit uterq; sanguis; usq; ad cicatricem deleta prisca vulnera; usq; trans Gades pulsa dissensio: si quid adhuc uno est intimius, id Regnum est, Ducatusq;. Habeat cœlum splendidas



didas mutui amoris fabulas, non sidera, Ca-  
storem, Pollucemq; illustriora amicitiae fra-  
ternæ exempla, Poloni sunt, Litvaniq; ne Ge-  
mini quidem dicendi, dum sic unum. O stu-  
dii CZARTORYSCIANI stylum pulcher-  
rimum, compositionem odiorum! Quod vi-  
ridi semper in olea vigeat Regnatricis Gens,  
Ducalisque CZARTORYSCII Planta sunt pri-  
ma: quod æternò vinculo ligari gestiat; illi  
sunt nexus gemmeus: quod unanimi consensu  
vivat; illi vitale Principium, & Anima. De-  
essent alia: hoc uno celeberrimi officii suffra-  
giò, in pectore Patriæ reponi meruit JOANNES  
Princeps, & medios inter affectus recumbere.  
Hunc in locum sua illum merita; sed virtus  
etiam Filii extulit, Manusq; inter eos, quibus  
armatâ dexterâ nomen quæritur, laudatissima.  
Sensit Herculeum Viri lacertum Hydra Se-  
ptemtrionis, cui, congressu bellico, quia JO-  
ANNEM se meminerat, gratiam fecit vulne-  
rum, cædisq; Arma simul capta, simul laurea:  
iunctaq; fuit pugna & strages hosti; illi præ-  
lium, & victoria: Campus, & Capitolium. Ple-  
scoviensibus agris, truncos Moschorum artus & ca-  
pita sparsit latissimè, triumphi sui adeò ma-  
tura femina, imò segetem, ut palmam subito  
messuerit. Cæteram hostium, sed raram tur-  
bam, ex acie in Urbis munimenta receptam,

Joannes  
Dux Czar-  
toryski Jo-  
annis Fili-  
us.



Andreas  
Dux Czar-  
toryski  
Joannis  
Frater.

obsidione pressit, clausit circumjectis armis,  
ne gladium suum effugerent. Atq; jam in ca-  
put emeritum denso agmine ibant ferta vi-  
ctricia; sed evadere in frontis culmen arduum  
cum nequirent, Regum Poloniae Inviictissimus  
STEPHANUS BATOREUS, sui Coronam  
Nominis imposuit Comiti Triumphali, fecitq;  
Imperatorem Heroum. Etiamne pugnata cum  
cœlo, sed sacra bella referam? Tanti prœlii  
DUX insimul, & Miles fuerat CELSISSI-  
MUS ANDREAS. Manu aurea, copiis ar-  
genteis, fortunæ suæ diviti robore, nervoq;  
certavit cum Superis, quibus pars felicitatis vi-  
debatur, pretiosè oppugnari. Templorum  
magnificentia, Divos ex aula traxit siderea,  
lætos, quod non ponerent cœlum, sed mutarent.  
Ultra Ephesinæ Dianæ fana Klevanensis Basi-  
licæ assurgit Majestas, utpote plusquam Tiberi-  
anâ, adeo liberali, sorte, ad Tutelarē ANDRÆ  
erecta Crucem. Quasi Memnonis è marmore  
illam construxisset, sic pleno ore suum cele-  
brat Fundatorem; & tanquam vivo ex argen-  
to fudisset Aras, sic ejus spirant elogια. Quod  
pulchrius Ignatianæ tumbæ in Luceorienti  
Collegio, Astra fulgeant; Celsissimo AN-  
DRÆ, publicam debent lucem, quibus Re-  
ligiosum exornavit Cœlum. Loquitur facun-  
dius



diùs Mecænatem suum, etiam ruinis vocale  
Vinnicense Collegium, cui silentia nunquam  
imponet manus munifica; semperq; in laudi-  
bus Fundatorii Nominis, primum vivens erit,  
Cor, æternam spirans grati animi memoriam.

Ditamus stylum, cum Celsissimum NICO-  
LAUM Palatinum Vołhyniæ, supparem  
ANDREÆ Filium, damus in paginam. Quo-  
ties ille in Regni Comitiis pro Libertate lo-  
queretur; Tullium se crederet audire Roma,  
vel Demosthenem Athenæ, tot, tantasq; ver-  
borum gemmas facundo ab ore proferentem,  
quæ ad pacis publicæ sufficerent Unionem.  
Communis Poloniæ tranquillitas, ceu Mi-  
nerva, tunc nascebatur, cum Jupiter hic Sar-  
maticus, pro imbre aureo, divitem suadam, &  
sermone pretiosos ab ore funderet. Amâ-  
runt Virum Curules Senatoriæ; Vołhynenses  
Aquilæ in Castellano, dein Palatino, suum  
suspexerant Solem, ereptum Podoliæ; avi-  
damq; pretiosò radiò nutrivêre palpebram. To-  
ta Polonia reverebatur Senatorem, cum vene-  
raretur Togatum. At sagum ejus, nullus hosti-  
um sustinuit sinè trepidatione vidisse. Vix  
inviçto passu obvium sibi Herodém adverterat  
Leo Sueticus; Herculem confessus, pellem &  
ungues contraxit metu; arrectamq; aliàs  
jubam prostravit cervice, Oppressurus ille

Nicolaus  
Dux Czar-  
toryski Pala-  
tinus Voł-  
hyniæ An-  
drææ Fili-  
us.



Livoniam, gravi suarum virium mole per campos jacuit: nisi verius fuerit, consistere eum pedibûs non potuisse, dum ad vulnus suum, Gladium Reipublicæ Polonæ, NICOLAUM ferri cognovit. Absumi non è vano timuit, Achille Sarmatico veniente. Surrexit tamen ad robur, ut gloriosius sub ictu Heroico cecidisset. Et verò, memoranda strage, ab ungue ad caput totus procubuerat; nisi Gloriæ CZARTORYSIANÆ expediret, partes aliquas superesse, ut ignominia servarentur. Sed nondum Victoriarum sitim, in Viro exstinxerat, seu sanguis hosticus, seu belli sudor, quem sibi triumphalis galea fundebat. Pacatis Livoniæ finibûs, restituta Provinciæ libertate, in Moldaviam victricem intulit plantam NICOLAUS, quam laureæ perinde sequerentur, ac pedem Persei. Ad primum conspectum timeri prius hosti cœperat, quàm terrere; quòd Nomen præferret CZARTORYSII, mediis victoriis enutritum. Unde Virum, veluti terrendis periculis natum, invitabant prælia, semper in laureas desitura. Nec minùs timebatur à gladio, quo furores Scythicos ex fama prævia terruit Dux Poloniæ invictus. Jam Lunas Turcicas, extremum extinguere, totumq; in noctes adigere Orientem credebatur, ubi stricto ense  
emi-



emicuit; ubi armatus retulit, ad bellicum Herois æstus, frangebant ignes hostici, in sanguinem vulnera liquabantur. Suffecerat, in arenam venisse NICOLAUM, ut hostis cederet; irruisse, ut caderet, suoque lapsu CZARTORYSCIANAS laureas adoraret. Discite securæ ætates à Senatore tanto, quæ sudore Martio trabeas tingere, quæ sanguine hostili: à gladio ad secures Patritias manū porrigere; & fœces trabeatos, victricibus innectere laureis. Parum fuerat domuisse ferrò Martem Gothicum, Turcicumque; nisi & Animorum exstitisset Triumphator. Hostem Patriæ præliò, Regnum meritis, omnes devicit affectibus. Sic in hostes ferreus, in Divos aureum se exhibuit NICOLAUS; dum Paternæ Pietatis monumentum, Klevanensem Ecclesiam, auxit redditibus, censu divite cumulavit, & quanquam non pauperibus illic Cœlitibus, dotem largam, aurum iniecit numerosum. In Collegium quoq; Societatis Luceoriense Progenitoris sui amplos in munera favores extendit beneficiis, probavitq; non vixisse, sed vivere; ultra tumulum spirare; renasci 'è cineribus Parentum; quia CZARTORYSCIANA in nos Munificentia, Phœnix est, ita nimirum rara avis, ut secula parem quærant. Finxerit antiquitas, Gratiarum sorores, Horas: at Vestræ,

G

Prin-



Principes CZARTORYSCII, Gratia, et si omnium prope horarum, erga Societatis homines, favor sint beneficus, nexu intimo, ævum Honoris vivent, fortunæq; ætates aureas. Hoc vestrum est meritum, hoc votum nostrum.

Tantum Nominum amplitudini, addit Vice-Regiam Majestatem Celsissimus Primas Primusq; Princeps FLORIANUS CZARTORYSCIUS. Hunc, postquam purpureis cunis exemit Lucina, flos adhuc juventutis, maturus ad Tiaram dicebatur; ita gloriæ adoleverat, ut primo ætatis vere, manipulos titularum posset colligere. Et hoc fuerat FLORIANI virtutis prodigium, quæ vix nata, canitiem induit probitatis. Et quia non in unius Regni commodum natus fuerat: extra Patriam, non tamen ultra recti limites abierat. Peregrina Regna, Phœnicensium more, hospitem illum adorârunt, quasi jam in illo tenebris vitæ ortu, Solem Antistitem prævidissent. Lustravit Provincias, & ubiq; spectator spectandus erat; plus in se videndum Regnis obtulit, quàm aspiceret. Agnoverunt in illo candorem suum Lilia Galliarum, qui vel ex sanctitatis odore prodebatur. Tandem Orbis Capiti Romæ ad mentem fuerat, postquâ de illo Urbium Vertice Septicolli, non aliter prodiit, nisi scientiarum Numen. In Collegio



gio Romano, sub Joanne Lugone Societatis  
JESU Professore, demum inter Purpuratos  
Patres Eminentissimo, Sacrae Theologiae Do-  
ctor, non unam laurum ante Infulas obtinu-  
it; multis præripuit palmam ante pedum Pa-  
storale. Palàm in illo Orbis theatro fuerat,  
Lechicæ Prolem Aquilæ, CZARTORYSCIOS,  
non fulmina tantùm belli deferre Jovi, sed  
& Aquinaticos Soles, serena mente sustinere.  
Redeunti in Patriam, Honor obvius, Infulas  
ingerebat capiti: Posnaniensem admisit FLO-  
RIANUS, cùm omnes merebatur. O! quan-  
tus hìc in Præsule zelus! Clariùs ardebant  
altaria, quæ CZARTORYSCIORUM ale-  
bant Ceræ. Templorum nitor, non parvum  
Platonis mundum, sed Orbem decorum pro-  
clamavit FLORIANUM. Et certè Templum  
ille quoddam virtutum referebat, ac ceu solis  
Regiam, in qua ad Majestatem, quælibet emi-  
nebat virtus Celsissima. Quid enim illa men-  
tis excelsæ demissio? quid præclarissimæ do-  
tes à natura & industria? supra reliquos illum  
attollebant; sed acclinis omnibus modestia,  
ponebat infra omnes. Non superciliò, non  
compositis ad fastum verbis, à colloquio &  
facilitate agendi secum, arcebat quempiam;  
omnibus tam facilis quàm gratosus. Semper  
sibi præsens animus, mentis exporrectæ vigi-



lantia, circumspecta partes in omnes prudentia, in cogitando profunda celeritas, strenua in perficiendo & felix efficacia, in omnibus integritas, latè singulis, sed ante omnes, Regibus Poloniarum Augustissimis, VLADISLAO IV. CASIMIRO III. MICHAELI I. commendavit FLORIANUM. Vidit hæc omnia Argus ille, in Patriæ, suorumq; commoda oculatissimus Regnator CASIMIRUS; ut egregia amavit; admiratus ut rariora. Liceat hic apponere fragmentum Epistolæ, & Polonæ Serenitatis ad INNOCENTIUM X. Pontificem Maximum verba recitare. *Ea generis claritudine fulget in Regno Nostro Florianus Czartoryski, ut minimè nos latere potuerit eius probitas, doctrina, & cæteræ egregiæ animi dotes, quibus Urbis oculos, cum ibi studiorum causâ ageret, in se converterat &c.* O quantum pondus fragmenti unius! premit invidiam; quot numerantur puncta, tot encomia; & quot apices, totidem Infulæ FLORIANO. Altiolem proinde voluit Præfulem CZARTORYSCIUM Rex Clementissimus; quia semper dignum supremis quibuscunq; Infulis suspexit Caput. Annuit votis Regalibus Roma; & Vladislaviensibûs redimivit Tiaris CZARTORYSCIUM, à quibus Regum fieret Coronator. Traxit nempe morum integritate, & na-  
ta



ta ad supremum quodq; fastigium indole, Be-  
atissimi terrarum Capitis iudicium. Imposi-  
tam proinde sibi sensit placidam quandam ne-  
cessitatem, ut secundâ Insulâ, cum jure secun-  
do coronandi Reges, decreverit, summam  
meritorum magnitudinem coronare. Sed non  
in hoc stetit Honoris gradu, major Celsissi-  
mîs FLORIANI Virtus; altiùs debuit elucta-  
ri, donec ad perfectum titulorum meridiem  
pervenisset. Itaq; post binas Insulas, adjecit  
tertiam MICHAEL I. Serenissimus; & totius Po-  
loniæ votis imposuit Coronam, cum FLO-  
RIANO Gnesnensem dedit Archi-Tiaram, ac  
Vice-Regem Poloniæ nominavit. Superi bo-  
ni! quantum indè felicitatis augurium? quæ  
expectatio Patriæ? quanta dignitatum colliga-  
tio? quanta luminum, splendorumq; congeri-  
es? His, de Primatiali FLORIANI dignitate  
rumoribûs, sensit sibi accessisse vigorem gran-  
dæva ætas, revirescere ad gratulantium offi-  
cia; Univerfa Polonia visa est in flore stetisse,  
non spes sibi in herba latentes, sed maturos  
fructus pollicendo. Nec fefellit de se augu-  
rium inauguratus Princeps, sed probavit e-  
ventu. Sic enim Pastor vigilantissimus pro-  
pulsabat à grege discrimina, ut nullus potue-  
rit esse timori locus; ita libertatis bono con-  
sultuit Senator, Patriæ providebat oculatissi-

H

mus



mus Vice-Rex, ut detrimenti nihil, illo Defensore pateretur. Lætabatur Polonia cum tranquillo Principe, tranquillitatis felicitate. Civium fortunæ, vel securitate ipsa crescebant pacis augmento. Populorum quies domestica, figebat ædificia, æraria opulentia, fulcabat agros, adacto in stivam mucrone. Hīs omnibus consummatus, occubuit FLO-RIANUS! sed eo pacto, ut Vice-Regiam Majestatem, cum Cælesti Regno commutaret. Occubuit! & ex ejus tumulo, immortalis surrexit dolor. Occubuit! quem nemo hominem existimaret, nisi morte patuisset. Occubuit! qui Respublica unus fuit, aut anima Reipublicæ. Vivit tamen in singulorum amoribus, quorum possedit animos, gloriæ & famæ suæ, nunquam immorituræ Vindex gloriosus. Ostendit illum viventibus; ostendet virtutis, immortalium operum Custos JESU Societas, quam multarum gratiarum fecit hæredem.

Plura Domus Vestræ Sidera Illustrissima, quæ jam alteri Orbi, æternos accendunt dies, perstringens lux oculos, vetat aspicere. Mitto itaq; Cœlis cognatum, & illatum Nomen, è vero Principē MICHAELEM, inter Avita Sandomiriensis Poli Astra, Luminare Majus, quia Palatinum; ita titulis congenitum, quasi illum  
Honor



Honor genuisset Matre' Fortuna. Mitto JO-  
ANNEM CAROLUM, Cracoviensem Suc-  
camerarium; simul Nobilitatis, & Principum  
affectuum Principem. Mitto innumeros alios,  
quos immortalitas actorum, felici consecra-  
vit æternitati; ne, posse numerari, arguam, qui-  
bus, ut vivis populus admirationem, Reges  
Proceresq; amorem, Fama cultum, Patria ho-  
nores dederat; ita beatis astrorum Incolis, me-  
moriam impendit immortalem. Viva jam  
Majorum Tuorum PRINCEPS CELSISSIME  
cerno Lumina. Unus Procerum Castra, &  
Astra facit Pater Patriæ, ac Tuus Celsissimus  
CASIMIRUS, Vilnensis Castellanus; qui in Or-  
be Nostro penè omnia; ita terras implevit  
meritis, ut ubiq; ceu Numen quoddam oc-  
currat. Quanta se in uno ostendant decora!  
attollunt fastigia! ut, si nihil ageretur cæteri,  
(esse tamen CZARTORYSCIUM non licet,  
quin unusquisq; fatiget Astræam, ingentium  
computatione meritorum ad præmia) adhuc  
tôt unius præclarè actis circumdati, veluti  
Soles, unicum terrarum decus haberemini.  
Quem enim splendorem Cælum à Sole; eun-  
dem derivat Patria, ab hoc Illustrissimô Sena-  
tore. Cujus meritorum unio, illud tribuit  
Polono Diademati pretium, quod gemma Co-  
ronæ, ab Antonio Regnis æstimata. Et vel



ideo primis titulis Pocillatoris munus Magni Ducatus Litvaniæ, illum suscepisse arbitror, ut gemmas nonnisi propinasset Patriæ ad salutem. Quoties enim publicis in Comitibus, de pretiosis Legati sudoribus, æmularum unio partium emerfit fortunatissimè! Idem erat formare verba, ac efformare animos non claritudini familiæ, non augmento fortunæ, sed utilitati communi laborantes. Indignor facultati Oratoriæ, quòd nō liceat exultanti, ad lætissimam consonantis famæ admurmurationem dictioni, tantum habere roboris in eloquendo, quantum Celsissimo Principi inerat candoris in sermone, Virtutis in animo, dignitatis nullo tumultu turbatæ in vultu, in fronte majestatis, suavitatis in lingua, in ore & oculis gratiarum. Ita ille dicebat splendè! veluti ornatissimæ dictioni permiscuisset Astra; ita amplè! ut in uno opere seculorum negotia moliri videretur; ita ex utilitate Dignitateq; publica! ut si quis Emeritissimum non nōset Principem, unum à Deorum consilio delapsum jurasset. Risisset hodie Plato lætior, si tot ingentes Antecessorum Animas vidisset in uno non corpore, sed animo. An enim decoris aviti, virtutisq; dubitet quis, Celsissimum Progenitorem Tuum appellare thesim, ac veluti Universitatem? Collegit



git è Summis, & sanguinem & mentem augu-  
itam. Non latuerunt ea Regum A U G U -  
STUM II. & Augustorum REGEM; quamob-  
rem gemmam Principum, gemmâ arcano-  
rum consciâ, Ducalisq; Imperij Annulô insi-  
gnivit CASIMIRUM; ut manus etiam, quo-  
dammmodo vinctas redderet dignitati. Eripi-  
ebant quidem sibi par Orbi Caput, primarum  
Dignitatum Vittæ; & congestis honoribûs, ul-  
tæ fuissent moram; nisi Annulus Pro-Cancel-  
larij, in orbe gemmeo, orbē Fortunæ, ad Patriæ  
commoda evolvisset. Quærant alij, intrâ Ara-  
biam aurum, intrâ maria gemmas; prærupta  
Alpium scrutentur juga, ut metuendos inter  
ipsa desideria, adamantes legant; & parcam  
in sua pretia, naturæ manum, tot compen-  
sent discriminibûs. In Celsissimum GENITO-  
REM Tuum; ex illo, in universam Poloniam,  
liberalior Fortuna, totum id congestit, quid-  
quid ad pretium, ad æstimationem, & ipsum  
Honoris fastum, quæritur à mortalibus. Hôc  
verò præcipuè gemmeum se monstravit Hy-  
daspem PARENS Inclytus; cùm tot Illustris-  
simos Filios, ceu æstimatissimos uniones, ex  
connubiali annulo, ad grande Poloni Orbis  
protulit ornamentum. Liceat memori pagi-  
næ, singulorum Nomina & Titulos commit-  
tere, quò se augustiûs palpebris interat legen-  
tium.



tium. Utiq; merentur oculos Principes Celsissimi, qui pridem omnium animos occuparunt. Primum sibi locum vendicat, quia nascendi forte Major FRIDERICUS MICHAEL, nuper Castellanus Vilnensis, hodie M.D. Litvaniæ Pro-Cancellarius. Ita ille dotibus implet magna nomina, ut viva Patris imago censeatur; ita Principes tractat Ceras, ut suæ virtutis pretium, omnium animis videatur imprimere; sicq; eos gesto munere flectit, ut ce-reos posthac ad omnia inveniat. Attollit augustum genus, præcellens suæ dignitati vita & gloria THEODORI CASIMIRI Plocensibus Infulis destinati. Æstimavit illum in verbis pretiosum Roma; amavit in moribus optimum; stupuit in Consiliis admirabilem; sermone, pietate liliatum Principem, hoc est è vero CASIMIRUM; & omnibus, quos sive virtus, sive doctrina transmittit ad posteros, simillimum adoravit. Adeo plenum eruditione caput non dimisit sine Laurea; quod reliquis omnibus palmam præripuisset triumphaliter. Certè præluserunt ad Infulas, pulcherrima illa doctarum præmia mentium; paremque vittis omnibus frontem laureatam fecerunt, quæ jam tunc Infulata esse merebatur. Postquam sic emeritum Caput ornavit Roma; ne injuria magnis virtutibus Polonia videretur,



deretur, conatum intendit, ut sacrîs fascibûs decoraret THEODORUM. Invitavit Cracoviensis Cathedra tot laureis onustum verticem, ad suarum Ternionem Coronarum non vano omine, hanc præclarissimis in Patriam Ecclesiamq; meritis, olim fore coronidem supremam. Tandem Varfaviense subsellium, tot decoribûs primis gravem suscepit, ut altius efferret ad Infulas. Hi Fratres tui PRINCEPS CELSISSIME, PALATINE ILLUSTRIS-  
SIME; hoc est, una Tecum Con- sanguinitatis ab Arbore rami, vel aureæ Xerxis platani; & quælibet Arbor una Nemus. Quàm fortunata Patria, si plures ejusmodi numeraret Cives! quàm felicior, si omnes, tales Patres! Quid raram fratrum concordiam, iniquitas temporum accusas? nullis hîc inter tot, Tantosq; Fratres dissidijs laceßita æquanimitas; quorum licet diversæ ad omnia præclara doctes, nulla tamen Fratrum pectus incendit æmulatio, nisi cùm de pulcherrimis ausibus contenditur, aut de virtutum primatu instituitur certamen. Ut germana Cœlo sidera quò plus, ultra cætera, lucis spargunt, nihil invidiæ; ita inter Vos, quò plus splendoris in alio, livoris minus. Quoties Vos PRINCIPES CELSIS-  
SIMI, ad invicem Fraternos vultus contempla-  
ri spectavimus; idem nobis animus, idem sen-



sus, quòd similitudine Virtutum cogente, transire in pectora Vestra velitis, animamq; spirare in unam. Nec jam miramur connecti inabruptò vinculò ad Patriæ commoda, omnium Vestrùm voluntatem: quam enim cum lacte bibistis concordiam, nutritivis mutuo consensu, ad ætatem deduxistis maturo vicissim amore; non dissimili studio impenditis Patriæ; ut jam certum sit, eadem naturæ lege sanguinem amari & Patriam; privatis animum ad publica exerceri. Jam si Patruï Tui Celsissimi JOSEPHI M. D. L. Vexilliferi labara, sub quibus æternæ Domûs famæ, perennis militat æther, explicarem; quæ decorum sese centuriæ evolverent? Meruit JOSEPHUS Princeps, quem omne titulorum fidus adoret. Meretur Magna Parentis Soboles STANISLAUS, de limine ætatis teneræ, sed jam grandia quævis scribentis in vultu, Aulam Honoris subire. Brevis hæc Fratrum Tuorum, ac in universum CZARTORYSCIORUM Epitome, punctum est ex Bibliotheca Illustrissimarum Profapiarum; pugillus ex pelago; fragmentum ex Carpato; à quo tamen sensit Oratio pondus, veluti ab Ætna Enceladus. Cæterùm ea gravitate superbit, quòd possit eò profundiore cultu, quò exiliore folio, Ducalem Majestatem Vestram adorare. Neq;  
id,



id, quod scribimus, elogium 'quispiam cense-  
re poterit, sed quendam indicem. Et certè,  
fatemur ingenuè, rudis est Nominum Vestro-  
rum narratio, simplex mentio Dignitatum; &  
tamen est panegyris amplissima. Non enim  
verborum cultu, aut sudore erudito constare  
suadam, necesse est, ubi, quidquid attingitur,  
historiam provocat, & ab angustis se se pro-  
ripit marginibus. Laborare plerumq; cogi-  
tur eloquentia; ut aliquid elogiò dignum in-  
veniat; diu expolire stylum, ut aliquis sive  
virtutis, sive honoris splendor affulgeat. Li-  
berastis suadam cogitatione sollicita Magni  
Principes, sinè ullis ab arte coloribus Illustris-  
simi; sinè ulla styli sublimitate, solâ nativâ Ge-  
neris & meritorum gloriâ Celsissimi.

Quantum enim verò Cognata Principum,  
Procerumq; Nomina, quæ avitas inter Majo-  
rum Ceras, fumosasq; Images reponitis, Ve-  
strâ attollant, adornentq; Celsitudinem? Reve-  
renti Calamo in paginam revoco vicinum  
Regibus, Cæsaribusq; Genus, KORYBUTHIOS?  
Hic Sceptra Lechiæ, Coronas, & Solia prona  
cervice adoramus in MICHAELE I. KO-  
RETCCIOS, Ostrogienfes, Zbaravienses Prin-  
cipes, SANGUSCIOS, LUBOMIRSCIOS su-  
spicio? Duces sunt, Mitrarum Apices, altus  
Purpurarum Color, Patriæ Capita, & pectora.

K

CHOT-



CHOTKIEWICIOS, DENHOFFIOS, MOR-  
SZTYNOS, OGINSIOS, FREDRONES,  
GASCIEWSCIOS, ZEBRZYDOWSCIOS,  
KRASINSIOS, KONOPACCIOS, STANI-  
SLAWSCIOS, LOSIOS &c. memoro? He-  
ctores sunt in bello, in Senatu Consi, Antistites  
in Ecclesia, Solones in Curia, ubiq; Superi.  
Nec verò WALSTEINOS fileam; Nomen in  
Imperio ita claritudine prisca splendidum, ve-  
luti Sol in cœlo; ita Dignitatibùs eminens,  
quemadmodum Rhodius medio sub sole Co-  
lossus; ita Victoriùs conspicuum, ceu arma-  
tum gladiò fidus Orionis. Gentis tantæ titu-  
los, Honori permiscuit CZARTORYSCIA-  
NO, Illustrissimi Pro-Cancellarii Litvaniæ  
Confors, dicenda Charitum una, nisi & o-  
mnes Gratias vultu, & omnes ævi prioris He-  
roides animò evinceret. Non hìc etiam à lau-  
dibus separo, quem connubiale fædus junxit  
Stirpi Celsissimæ, ILLUSTRISSIMUM STA-  
NISLAUM PONIATOWSKI, nuper Magni  
Ducatus Litvaniæ Thesaurum veriùs, quàm  
Thesaurarium; nunc Palatinæ in Masovia Tra-  
beæ majorem Trabeam; quia Decus Purpure-  
um vincit meritùs; Honorem Patritium, non  
adscitùs undelibet viribùs exsuperat, sed Mar-  
te propriò, illo in bellorum nube spectatissi-  
mo; illo in ferreis discriminibus acerrimo, tan-  
toq;



toq; ut difficillimam quamvis prælii occasi-  
onem perinde, ac roboris sui aream, victo-  
riæ suæ campum, triumphi sui currum semper  
acciperet; quo factum, ut pugnandi gloriâ,  
vincendiq; antiquis quoq; Heroum prædigi-  
is laudem reliquerit ancipitem. Taurum na-  
ctus in Stemmata, gloriosius præ illo Phalari-  
dis, tormentum erat hostium: invehensq; in  
aciem adversam exarabat vulnera; fortitudinis  
Generalis femina, cædes, mortesq; spargebat  
latè, metebat laureas, laboris Heroici adore-  
am. Indè est, quòd Virtutem Herculeam o-  
culò permenfus, animòq; REX Serenissimus,  
dignam censuit, penes quam Castrorum Le-  
chiæ Summa esset; dignam, quæ omnia Ducalis  
Clavæ haberet, ante ipsam. Quis singula  
in Terrestri Pantheo recenscat Numina? Cæ-  
lum, Aquilarum ritu, irretortâ, quantumvis  
modestâ pupillâ contemplor, unde Tu Prin-  
ceps Palatine Celsissime, SIENIAVIAM Stel-  
lam & Lunam, Sociam vitæ, toriq; traxisti,  
ne quid non cœleste progigneret. Quanta  
hæc sidera! quæ nominis claritudo! Citra  
Platonis commentum, Urbes, Regna, Hero-  
umq; Ideas, hac in Luna intueri videor. Se-  
ptingentis & amplius Annis, quotquot SIE-  
NIAWIOS spectavit Lechia, aut Joves erant,  
aut Mercurii, aut Martis Numen, cæteri-  
q;

K2

plus-



plusquam hominum Tituli. Jam Capitanei, fasces; jam Referendarii paginas; jam Notarii Calamos; jam Excubitores Regni Limites; jam Signiferi manipulos & Aquilas; jam Cancellarii, Annulos; jam Mareschalci, Scipiones; jam Patres Patriæ, Curules occupârunt; & adhuc coronanda restant merita. Rotârunt clavas, Belli Ductores, acsi Hercules; ut Patriam strenuè defenderent: longa seculorum serie, attriverunt Purpuras, acsi Catones, ut splendidius niterent. Si bella, quæ gesserunt feliciter; si Trophæa, quæ erexerunt fortiter; si Laureas & Coronas, quas gloriose meruerunt, ad calculus redigamus: tot Civicas numeramus, quot Cives Patriæ servârunt; servârunt autem infinitos, tot Castrenses legimus, quot Castra hostium expugnârunt; expugnârunt autem innumera, tot Murales spectamus, quot perduellium mœnia diruerunt; diruerunt autem sexcenta, tot Triumphales reponimus, quot Gentiles, ingeniô feras, moribus barbaras, Religione perversas domuerunt: domuerunt autem Svecorum ferociam, Moschorum perfidiam, Cozacorum insolentiam, Scytharum sævitiem, Othomanorum superbiam, ac Tyrannidem. Porro hæc omnia decora, velut Solis radii ad punctum in Horologio, lineæ ad centrum, flumina ad Oceanum, ad Te concentrantur, & in-



& influunt Princeps Celsissime; ubi ultimum  
SIENIAVIANÆ Stirpis palmitem, eumq;  
aureum; perennaturæ Domus apicem, immor-  
talis Gloriæ Coronidem & Coronam, Celsissi-  
mam SOPHIAM de LUBOMIRSCIIS SIE-  
NIAWSKA Hymenæo vinculo devinxisti.  
Quam, quantamq; Maritam Principem! Ele-  
gantia illi pro vultu; pro indole dotes exi-  
miæ. Hinc eam alii, speciosum Sidus, Phæ-  
ben, Dianamq;; alii Prudentiæ Numen, Miner-  
vam; magnificam alii Deam, Junonem; alii  
tandem, Domum antiquissimam claudentis na-  
turæ decus supremum appellare. Omnem  
SIENIAWSCIÆ Lunæ orbem in se collegit,  
hoc totum una, quod omnes fuerunt. Pro-  
genitorem illa suum, primum Patriæ Patrem,  
Celsissimum ADAMUM in GRANOW &  
SIENIAWA SIENIAWSKI Castellatum Cra-  
coviensem, & Supremum Exercituum Ducem  
compellat: quo spirante, Vires & Animum Pa-  
tria sumebat: consulente, secura stabat: bellan-  
te, triumphabat; cadente, trepidabat, ne vel  
ipsa caderet sublatô Fulcrô. Digna profectô  
tanto Patre, tanta Filia! Bellona videlicet Mar-  
te Lechico; Pallas Jove; lux Sole; primo Po-  
loniæ Senatore, Princeps Purpura. Utinam!  
(vota hæc omnium! exoptantis populi vo-  
ces!) Te Principe Marito, reddat in CZAR-  
L TO-



TORYSCHI SIENIAVIOS, ferrô & aurô  
graves, Sago & Togâ armatos, RAPHAEL-  
LES, NICOLAOS, PROCOPIOS, ADAM-  
MOS, HIERONYMOS, ALEXANDROS, om-  
nes utiq; Ecclesiæ Tutores, Patriæ Defenso-  
res, legum & libertatis Vindices, Religionis  
propugnatores, literarum Mecænates, Socie-  
tatis Minimæ Patronos, ac Leopoliensis Col-  
legii Fundatores Ampliissimos. Horum me-  
moriâ, quoties reteximus, lugemus fata: nec  
ficcatos Vultus tenere possumus, nisi in Te  
spectemus redivivos. Ita equidem SIENIA-  
VIANÆ Cynthiæ, post Annorum Myriades,  
ex quo illuxerunt Poloniæ, occidêre, ut Au-  
roram post se relinquerent, quæ Soles rursus  
de Te conciperet, pareretq;. Vide Princeps  
AUGUSTE, Palatine Celsissime, quæ Te Avi-  
ta lumina circumfulgent? Primæ Magnitudi-  
nis Sidera sunt; Tu Grande Astrum. Gemmæ  
sunt Honoris; Tu Corona: Uniones sunt; Tu  
Pactolus. Quòd si ulterius adhuc oculum ire  
permiseris: cernes Familiæ tuæ Lineam tam  
longè protensam, latèq;, quàm procul excurrit  
mundus. Nimirum ut pulchriùs ruberent  
Regum Purpuræ exterorum, Ducumq;. Ve-  
strum sanguinem hauserunt; ut sublimiùs emi-  
nerent terrarum Domini; vestram Celsitudi-  
nem suis Titulis addiderunt, Stirpiq;. GEOR-  
GIOS,



GIOS BAVAROS, HEDVIGIS; FRIDERI-  
COS LEGNICENSES ELISABETHA; GE-  
ORGIOS SAXONES BARBARA; BOGU-  
SLAOS Pomeraniæ Duces ANNA CASIMI-  
RI Filia; FRIDERICOS MARCHIONES  
BRANDEBURGICOS SOPHIA; ALBER-  
TOS Magistros Prussiæ; JOANNEM, CHRI-  
STOPHORUM, FRIDERICUM, Duces Saxo-  
niæ; GEORGIUM, CASIMIRUM, BERNAM,  
Principes Pomeraniæ, Nuptæ Vestræ, CZAR-  
TORYSCIIS fecerunt Affines. FRIDERI-  
CUS insuper ex CASIMIRO; ALBERTUS  
& CAROLUS ex SIGISMUNDO, Cardinales,  
Eminentiam Vestræ Celsitudini, Galeros Mi-  
træ, propinquitate junctissimos habuisse intrâ  
Gloriam posuerunt. Nondum summa, ut-  
cunq; maxima. Eques Vester non terris dun-  
taxat decus distulit Gentile, at cœlis etiam in-  
vexit. CZARTORYSCIANÆ scilicet venæ  
sanguis est, qui Sanctorum numero influxit,  
CASIMIRUS, Poloniarum & Litvaniæ Prin-  
ceps: Vos idcirco Cervix Divis proxima, &  
plusquam mortale Genus: id quod vobis &  
illustrius est, & sanctius, quàm si ad Jovem,  
cæteraq; Deorum vana nomina Stirpem refer-  
retis.

Et jamne ad trabeatam gloriam, Nomi-  
nisq; Tui Magnitudinem satis est, Tantum



Te in Majoribus Tuis, ante Te præcessisse?  
minimè. Quantus Antecessoribus Tuis suc-  
cessurus eras, talibûs Prodromis augurari dun-  
taxat retroacta sæcula potuerant, non metiri.  
Ipse Tuû, meritorumq; Tuorum mensura es,  
Princeps; alio, quàm Te ipso, commensurari  
Tibi Ipse, non potes. Ultra suum Phospho-  
rum Sol est; ultra sua, quæ repingit, parelia,  
Phæbus est. Ea Tibi, quæ Oceano natura,  
in quo sexcenta illa trabeata flumina, purpu-  
realq;, quibûs profluxisti, absorbes venas, ac si  
suum, in Te uno, omnes fecerint naufragium.  
Tu Celsissimorum Nominum apex; trabearum  
murex, dignitatum honos, laurearum succus,  
Gradivi spiritus, Vastæ Majorum Tuorum I-  
liadis nucleus, compendium, & summa Uni-  
versorum. Illustrissima ISABELLA de MOR-  
SZTYNIIS Thesaurarii Regni Filia, pretiosi  
sanè in Te pignoris Parens, ceu feracem auri,  
universam Arabiam suis visceribus reconde-  
ret, ita in Te uno omnes naturæ dotes, &  
pretia compegerat, inq; lucem effuderat; no-  
vi non immerito facta Mater Aurelii, cùm  
Te aureum Principem, veriùs ductile in usus,  
& commoda Patriæ aurum progenuerat. Sta-  
tim ut sacris pusio intinctus es lymphis, AU-  
GUSTUS & ALEXANDER emerfisti, o-  
menq; universis de Te ipso, ingesseras, angus-  
tum



stum incrementis Tuis Polonum fore Orbem.  
Et sanè consonum ALEXANDRO vaticini-  
um, nisi Macedone dignus coronavit even-  
tus; cujus æmula virtute, procedentibùs annis,  
ne peregrinus in scientiis viderè, intra Re-  
gni limites, politioris literaturæ universas pe-  
ragrasti, Tecumq; extra Poloniam extulisti  
Athenas; ut prætò haberent, quod ex Te e-  
tiam condiscerent orbes exteri. Vidit, & in-  
vidit Lechiæ Germania, suò dignum Imperiò  
AUGUSTUM, quem germanus augustis vir-  
tutibus candor, parem ejus solio fecerat can-  
didatum. Florem Principum viderunt flo-  
rum lilia Reges in Gallia, simulq; ad purpu-  
ram Principis, rosarum æmulam, palluerunt;  
cujus nitorem nec decoloraverunt soles exteri,  
nec Lutetiæ ipsæ ullam ei maculam adsperse-  
runt. Sola duntaxat fragilitate dempta, mo-  
rum integritate Tuorum, speculum factus es  
Exteris, cujus in obtutu & contemplatione  
defixi totos sese ad Tui normam comerent,  
& emendarent; ut meritò constare videatur,  
nullos extra Patriam Te vidisse populos, nisi  
quos Virtutum tuarum imitatione, Sequa-  
nos effeceras. Decrescerent, suos si Tecum  
conferret Grandes Hispania; cui, tot inter Pa-  
res, parem tamen Francia non repererat, quia  
omnium apex extitisti eminentiâ Indolis, Vir-  
M tutumq;



tutumq; Tuarum ampla celsitudine; qua vel una, Teq; ipso, Regnorum Parlamenta, Senatūq;, non impleres modò, verùm arctares etiam. Factum proinde, ut nonnisi magnæ expectationis fieret Tuus in Poloniam reditus, qui jam universum pene orbem ingenti Nominis Tui famâ implevisti. Quæ vota Celsissimorum Progenitorum, Patriæq; Universæ; ne eorum videndi Tui desideria remorareris diutiùs! Quæ, menses diesq; inter, de Te contentio, & lucta, qui tantum solatium utrisq; redderet? Æmulatione quadam mensis mensem, diesq; protrudebat diem, ut alter alteri eriperet, ac desideratum Poloniae munus referret. Bellorum futurum arietem, Te sibi ante alios vendicabat, qui & ipse Ariete insignis est mensis. Secuturæ ætatis Principem, nisi mensium Princeps, Martio qui igne calet, flammam illam in Te referre contendebat, quæ victricibûs nonnisi palmis enutrita, hostium Patriæ, futura olim esset incendium. Verùm ad flammam hanc excanduit, immugiitq;, acsi Phalaridis esset, Aprilis taurus; quàmq; arderet ferventer hoc igne potiri, clarum fecerat. Alexander [inquirebat) CZARTORYSCIUS est, vel ipso nomine Magnus, meritis gravis; Europam in se refert; me proinde nonnisi tauro in Poloniam  
reve-



revehi debet. illi pro vomere ensis erit, quo  
ad laurearum manipulos, segetemq; clypea-  
tam virorum, campos fulcabit Patrios; quis  
mea, ante Principem, iuga feret? Nisi fortè hoc,  
in gemino cornu meo, dilemma, quis frege-  
rit; CZARTORYSCIO non potietur. Inte-  
gra, quæ Majus toties explicuit, folia, haud  
tamen orationem caperent, quam pro suo in  
Te munere exorsus est. Floridissimè eum per-  
orasse quis ambigat? quis præter rosas, Hy-  
mettum, Pæstumq; ipsum, aliter loqui non  
didicit; Florosq; ipsos, Rosinos, & Hortensi-  
os eloquentiâ superavit. Flos Principum (in-  
quiebat) CZARTORYSCIUS est; talia, nisi  
Majum poscunt munera prodromum. Novo  
ver meum cumulabo vere; geminaq; Voto-  
rum suorum æstate reflorescet Lechia, ubi  
meis illam tantus flos adibit cum Geminis.  
Parum tamen abfuerat, ut Te aliis præripe-  
ret, qui Junoni sacer mensis fuerat; eò, quòd  
Polonum in Te Jovem, suæ cognatum Deæ  
suspiceret: optato tandem maritalis tori fæde-  
re Polonæ de Sieniaviis Junoni sociandum.  
Nisi deses nimium, retrogradusq; passus ejus  
videretur, qui aliter, quam cancrò provehi,  
non didicit; metusq; subesset, ne retro iterum  
per Regna, Provinciasq; abriperet, quod Do-  
mi impatientibus desideriis expectabatur de



Te solatium. Ergo Julios tandem inter, & Augustos Regale sanè de Te Princeps exortur certamen; in quo tot coronatos soles ordinari videres, quot dies ab utrinq; serenissimos. Universis lorica, nisi Phæbus; hastilia, enses, sarissæ, objectaq; pila minantia pilis, nisi illustre armorum genus, radii; certaminis arena, Olympus; ut meritò tanto ab utrinq; Hercule, nova de Te institui, Tibi sacrari Olympia crederes. Polone Jupiter, ipse præmium, omniq; olea præstantior, victorum alterutri corona exstiturus. Itaq; qui primus eorum in ordine, primus quoq; videri voluit in certamine, cui magnò demissum nomen Julò. Mactè animo (inquirebat ille) si quando, hac profecto arena, dignum te Cæsaris irâ, ereptus ille honor faciet, si ALEXANDRUM Principem, ipsi duntaxat per omnia Julio supparem, Victoriæ coronam Augusto concesseris. Monstrorum, suumq; domitorem futurum, noster maturè agnoscat Leo Herculem; redeunti ab exteris præbeat comitatum, CZARTORYSCIO; olim in Palatinalium Russiæ fascium insigne abiturus. Tempestivè norint, ut cui posthac militent, nunc etiam serviant leones. Quid ad hæc mensium Cæsar Augustus? Uno se, adversam aciem constrinxit: dum in arenam procurrit; æmulas phalanges,  
ita



ita in angustias redegit, ut arctissima quadam  
obsidione cingi viderentur; illiq; victori ad  
deditionem compelli, qui vel ipsa Nominis  
sui maiestate, ingens quodvis theatrum im-  
plet, seq; ipso castra facit ingentia. Unum  
movit imperium, & vicit. Desine (inquit) de-  
sine tuum jactare leonem sæve sine viribus  
Juli. Catuli hujus, non ad gloriam reducis in  
Patriam Principis, comitatus; cui verior hic  
Polonus Hercules, vel cutem ipsam iterum  
detraheret. Enervatus jam est, & cassa in suis  
exuviis vagina: umbra quidem, sed non Solis  
tanti pedissequa. Omni jam consumptus me-  
dulla, solo cortice illudere in via ALEXAN-  
DRO Principi, crimen esto. Nobis duntaxat  
affine nomen Augusti: nostro ab obsequio  
Princeps etiam ipse haud erit alienus. Vel i-  
psa cognatorum nominum linea, recta futura  
via est, eaq; regia, ipsam ad usq; Serenissimi  
Poloniarum Regis AUGUSTI Regiam. Fa-  
ctum itaq; ut post amabiles de Te rixas, uni  
duntaxat cesseris in præmium, & coronam  
victoriæ, ab omnibus aliàs magna contentio-  
ne prætense Princeps; eo scilicet, quantum in  
Te fuerat, animo, ut nisi a Tuo Augustum  
nomine efficeres, quisquis tandem mensium,  
suæ Te, votum ingens, restitueret Patriæ.  
Quanta tunc in animis expectantium Te, so-  
N latio-



latiorum pullulaverat seges, cùm jam Regni finibus accederes? Sanè fertilius nunquam exundatione sua Ægyptios Nilus conseverat agros, quàm cùm Tu Principum Celsissime, campis Te Lechicis infunderes. Non fluctuantium jam in gloria aristarum, verùm palmarum coacervatione quadam victricium, constans Regni factus es acervus ille, quem nullæ unquam hostium manus excutient; Tua semper ex adverso heroa manu, ferroq; victrici triturdæ. Quantus undiq; Procerum confluxus, ut reducem ab exteris Principem magna sui voluptate animi contemplarentur, suamq; de Te ipso normam fumerent, Alii flòrem vultûs intueri, quò ipsa etiam lilia vincebas. Alii respectare mite equidem, sed insimul timendum jam hostibus pâtriis, oculorum fulgur. Alii svave oris Tui prælibare eloquium; dulce exprimere svadæ tuæ nectar; quam Tu, acsi labris Attica, nec sinè acumine apis insedisset; quasi mella universa Platonis exluxisses, omni eloquentiæ favô condiveras. Hinc jam percrebuerat fama, totumq; vulgabatur per orbem, CZARTORYSCIUM Principem, ab exteris terris reducem, Celsissimarum Virtutûm summa, dotumq; animi præclarum compendiô, illicium omnium exstitisse; talemq; Te usq; in Serenissimi Regiam Augusti pene-



penetrâsse. Itaq; ut in conspectum Majestatis  
perveneras; simul oculos in Te, simul ani-  
mum Regalem rapuisti, dotes eximias æsti-  
matione complexum, amoreque. Neq; au-  
tem sterile PRINCIPIS Regnatoris pretium  
meruisti: verum ubi illum in Te suspexerat,  
cui similem vix protulit ætas consiliô & Mar-  
te virum, inclusosq; centum heroas in Uno;  
Gradivi primum Sarmatici titulis Te admo-  
vit, ut suis sub signis exemplum haberet magna-  
nimæ militiæ. Generalis Majoris præfecturam  
nactus ita integrum Castrorum corpus infor-  
masti, ut quædam illius anima videâre; præ-  
beasq; Peripatheticis documentum, in Te i-  
pso, nunc primum Archeum, id est bellatoris  
mundi spiritum universalem deprehensum.  
Quem enim non animaret illa in Te vivida  
bellorum Virtus, & Mars in facie manifestus?  
Pectore tuo, exemplôq; timorem ipsum fa-  
ceres in pericula audacem; pronum in vulne-  
ra, & sanguinem. Nimis quantum est incita-  
menti ad ausa ingentia, vidisse, ut Tibi discri-  
mina animos non adimunt; addunt: fata non  
dejiciunt; erigunt. difficultates non arcent; im-  
pellunt: ut fortiùs Tu per armatos hostes, te-  
la, ignes bellicos, quàm per pulvillos ignavi,  
per rosas Heliogabali, raperis, & omni in pul-  
vere plus Herois exprimis, quàm hominis. Quis



ille verò consanguinitate ligavit, virtutem, invidiamq; Deus? Castrensem ex Te gloriam, pulchro livore invidit Marti Honor Patritius, eôq; vertit cogitationem, ut vel illius esses, vel amborum. Tu quidem in armorum munus, nomenq; absorptus, ne ALEXANDRUM Te memineras, cujus manus Orientem Purpureum tenere pridem debuerat. Meritum in sinu erat; solus Tibi longissimè fuit animus, qui dextram porrigeret ad illustria; nec expectaret titulos, sed attraheret. Credebas, egestatis esse argumentum, appetere; avaræ mentis indicium, inhiare: itaq; Tantalo dissimilis, ne quidem os aperueras, ut pomum caperes purpureum, Sed Dignitas ipsa Trabeata votum suum apud SERENISSIMUM peroravit, transegitque, ut ab Equo Martio ad Curulem Senatoriam provectus, inter Proceres federes ingens Rulsiæ Palatinus. Ut sibi Titulô tuô placet Purpura! ut tuïs humeris erigitur! Verùm Tu ex magnitudine subsellii non tollis animos; quin potius duo illa sibi adversa, Honorem & modestiam, ita conciliasti, ut in exemplum abieris Dignitatis submissæ. Nec tibi supercilium fastus asperat; nec oculos avertit despicientia cæterorum; non alloquium submovet suû parca auctoritas. CELSISSIMUS es citra elationem; Purpuratus Pater citra



tra erubescantiam projectæ fortis. Denſantur  
atria supplicantium gregibus ſubditorum? non  
Tecum, ceu cum Delphico Apolline, loquun-  
tur, velô interpoſitô, conſpectumq; prohiben-  
te. Prodis, quod vidimus, de conclavi; de  
majeſtate remittis, deſcendiſq; aures adfers  
poſtulatis; manu excipis rogantes paginas;  
idemq; eſt, in animum tuum querulos luſtus,  
quod lacrymam Auroræ in conchylium inci-  
dere: utrobiq; gemmeſcunt fletus, fiuntq; for-  
tis candidæ ſimulacrum. Delent ſubito cle-  
mentes Gratiæ, quod ſcripſit ſupplex dolor:  
removentur onera, quæ lacrymas exprimebant;  
& flentes modò injuriæ, referunt domum ſo-  
latia. An Tu fortunæ incrementa damnis  
ſubditis quæras, qui tui opes innoxias ærarii  
ſpargis largiùs in alios, quàm Sol radiorum  
aurum? Neq; tamen ſeris munera, ut gloriam  
metas, fructum beneficii unum ad te pertine-  
re ratus, dediſſe. Non emis aurô, famæ ſo-  
nitum argenteum, tubamq; nec Phosphori in-  
ſtar, clangis lituô, dum exoreris Sidus benefi-  
cium. Irem ulterius per Virtutum Tuarum  
curſû; niſi ſubſiſtere juberet imperioſa modeſtia,  
vetaretq; Frontem tuam, Solium verecundiæ,  
violare. Obſequimur, PRINCEPS CELSIS-  
SIME: dumq; Tu in Honoris Palatini culmen  
Trabeata inferſ Veſtigia; nôs inſtare elogiô  
O ceſſa-

O

ceffa-




cessamus. I felix, & Optimatum Optimus!  
certus tamen, Dignitatis Roxolanæ apicem,  
punctum nonnisi initiale esse Honoris Tui:  
Purpuræ hujus illustre jubar, lucem esse tibi  
Primigeniam, nondum diem, nondum Solem.  
Reptasti per scuta Puer; perges Vir per Cu-  
rules. Leoburgici Montes terni, aliud ex  
alio, summum ex sublimi, fastigium polli-  
centur; Tu mereris, vovet Societas.













Biblioteka Jagiellońska



stdr0025457



